

武寧縣志卷三十二

藝文傳

冷進士傳

冷



冷公洙字晦源昇仁鄉人宣和甲辰進士授潭州司戶靖康
改元遷武安軍節度掌書記朝議大夫賈修薦其才爲中貴
所沮不報尋罷歸紹興間叛將李成寇武寧防禦使岳飛知
公有御變才檄公與湯執中禦之公得檄卽募集鄉兵日夜
簡練創戰陣攻守之具慷慨誓眾及成兵戰於印斗港敗之
成憤甚悉眾來攻圍公等於殷土橋公冒矢突圍大呼殺賊
力屈而死兄澄弟冲痛公死益發憤團練鄉勇爲公報仇岳
軍至冲率眾前驅奮勇擊賊斬獲無算岳聞公死哭而祭之
後祀岳以公陪食焉

崇陽公傳

葉惟華

邑人

葉公閻南鄉人官崇陽令有治聲子棗舉於鄉景定庚申春寇入境公被執棗請代以身公曰吾爲朝廷命吏不能奮戈殺賊以固疆圉而見俘於此死有餘辜代我何爲汝速去毋與我同巖賊刃也遂向賊瞋目大罵賊殺之棗見父被害益奮激與賊格賊厲聲曰而欲隨而父爲齏粉乎棗曰賊賊吾父子皆宋臣而傷吾父吾恨不剗而心以祭吾父惡能與而俱生賊又殺之事聞予卹典曰父爲忠臣子爲孝子仁矣哉子夏言學以君親爲務二公皆好學而有文其行義卓越如此以視夫世之恃文藻博科名沾沾以自負者何如也

按宋代葉氏人文稱盛葉惟華論列諸賢獨表此二公而筆墨又甚簡貴以知古人傳述雖親屬貴富苟非其人亦不濫及焉此可爲收人物者一鑒也

冷提刑傳

冷治鳳

邑人

冷應元字英叔昇仁鄉人父夢虎由端平進士除容州司戶卒於官貧不能返公涕泣經營往來海嶠數四歲餘始扶櫬歸道路哀之稱曰孝子淳祐己酉以尙書舉於鄉明年第進士授龍南縣尉贛州守陳宗禮辟爲從事權知信豐興國二縣皆有政聲臺使薦其能擢漢陽軍司理以母憂歸景定二年除海寧軍節度推官與宦官李忠輔抗當事者欲擠公以媚璫上知其忠以劾章封示公尋遷禮部員外郎時大臣陳昉李伯玉馬廷鸞交章論薦改奉議郎借緋銀魚袋通判臨安咸淳二年出知婺州外戚潛悅不法公將按之悅展轉營

求公不可悅懼遂屬大吏誣以賊私下所司推鞠不實赴刑曹會勘又不實然終格於潛氏竟落職十年起知韶州德祐元年除福建提刑未至改授廣東提刑時國勢日危唯南中半壁公就韶建都聞江南諸道失守痛哭募兵勤王十二月元兵至方率眾登陴爲守禦計而步將梁雄飛楊穩與廣帥徐直諒陰約迎降城遂陷公被執元將釋其縛欲授以官大罵不食而死崇祀忠義祠

曰公方見陷時元授以廣東宣撫虎頭金牌公擲去之丙子元日詬罵元帥被擊繫獄將有所圖已而無濟遂矢以死嗚呼何其貞也公初爲婺守民愛之如父母公沒已七十餘年婺人兒啼尙怖曰冷婺州來卽止然則公之名著當時傳於後世者蓋可知矣

按宋史廣東經畧使徐直諒遣其將梁雄飛請降於隆興阿里海涯假雄飛招討使使徇廣東旣而直諒聞益王卽位拒雄飛於石門戰敗直諒棄城遁時德祐丙子六月也九月東黨民熊飛聞趙縉至起兵應之攻梁雄飛於廣州雄飛遁熊飛遂復韶州縉入廣州十月元呂師夔將兵度韶嶺縉使熊飛會逢龍禦之戰於南雄逢龍敗死熊飛奔韶州元人圍韶州守將劉自立以城降飛率兵巷戰敗赴水死蓋韶州兩陷其初陷據此傳在乙亥十二月終應元詬罵元帥被擊送洪獄在丙子元日冷治鳳於應元爲從子親悉其事傳述自可信耳

葉宣義傳

鄭 塾

葉榘字國材廉村人少舉進士有俠氣負經世才時建炎紹

與間二聖北遷士馬蹂躪盜賊蠡起內外戒嚴公慨然有任
荷時事意岳武穆提兵入洪州躬自杖策軍門獻攻取之畧
岳侯與語大喜命之隨軍所至多有裨助岳甚重之官宣義
郎廣東經畧司幹官已而詣闕條陳八事所指切中時機語
多忠激及召赴都堂與諸大臣議不合力爭久之益憤激退
而嘆曰老矣無能爲也遂棄綬歸隱以著述自終有沈帚集
數卷藏於家配祀岳廟

曰蘭谷葉子進主余塾出其從祖沈帚集示余讀之其奔軼
之氣嵬頽之文直欲效武穆精忠血性淋漓紙上莽區區假
借語言以自衒鬻者雖不見用而忠肝義膽至今凜然與日
月爭光其陪享岳侯廟食詎不馨香也哉

按鄭埜爲朝議大夫前夔路提點刑獄公事此傳咸淳戊
辰歲作也

周學士傳

盛邑人

周公應合字淳叟祖友賢敷文閣學士爲宋名臣兄弟八人
皆登清要父汝翼爲荆淮宣撫使有政績其先曰世修爲江
西轉運使自德安遷武寧蓋友賢之曾祖也周氏以文行世
其家公益好學潔修洪厓沈浸日深蹕厲以出中淳祐庚戌
進士授江陵府教授尋以文名召入爲實錄院修撰景定間
充江南東路安撫使司奉勅撰建康志五十卷建康者建炎
二年建行宮於金陵所改也乾道慶元間屢輯地志而記載
尙多闕略景定中寶章閣學士江東安撫使知建康府馬光
祖始屬公取乾道慶元二志合而爲一增入慶元以後之事
正譌補闕別編成書首爲留都四卷次爲圖表誌傳四十五

卷末爲拾遺一卷援據該洽條理詳明如論丹陽之名本出
建業論六朝揚州嘗治建業後始爲廣陵一郡之名皆極精
核光祖序稱其博物洽聞學力充瞻不誣也時賈似道擅權
自恣國事日非公以能徵御史嘆曰言官者欲行其言朝有
元奸雖言何益未拜卽上疏劾似道昏庸誤國乞正其罪上
怒謫通判饒州復罷主管華州雲臺觀使歸似道敗擢直賢
院學士未赴而卒公器望清峻慨然以各臣自任議論風采
傾動一時帝向用頗殷然卒以忤似道見逐比公死而宋祚
亦移矣初號洪厓處士有洪厓集後謫歸築園鶴溪上又號
溪園先生著溪園集若干卷

曰予讀公劾似道疏至正人端士關口奪氣雖欲劾一日之
忠蓋而不可得則掩卷三太息焉公文章風節卓絕一代所
爲建康志康熙間朱翰林彝尊得錄於曹通政家今尙有存
者獨洪厓溪園二集子姓播遷遺亡已久而公之行事不得
盡白於後世噫可慨也

按公初名彌屋廷見時理宗易其名應合事見家譜

王夫人傳

邑令 鄒應元 金匱人

夫人姓王氏浙江錢塘人幼通書史明大義識畧過人長適
元進士河南盛公添祥添祥歷官至浙東大帥歿於官夫人
遂家錢塘子文郁亦成進士明太祖洪武二年除知江西武
寧縣事時烽煙甫息所在凋殘而武寧四面阻山盜賊出沒
蹂躪特甚夫人勉文郁招來撫恤以養以教踰年邑大治久
之夫人卒於署文郁尋亦卒並葬武寧子孫家焉正德間華
林盜竊發破瑞州大吏檄各屬會討不克遂攻武寧孤城岌

然粹無所措邑令毛丕功夜夢夫人指授方畧尅期殲滅及戰恍惚見夫人戎服臨陣左右指揮賊皆驚潰走民乃獲免丕功以其事聞於上立祠祀之文郁亦祀名宦

曰余以乾隆辛未選任武寧令至署中邑士首爲余言夫人事余甚異之夫人沒已四百年迄今水旱疫疾禱於祠輒應按古祭法能禦大災則祀之能捍大患則祀之夫人食德茲土其馨香俎豆歿久不衰有以也夫

方僉事傳

盛 暮 邑人

方公雁里諱孟縉字朝儀豫寧塔溪人素有風節論天下事慷慨自許不苟隨人治春秋悉屏旁穿曲鑿獨得其要爲文醇樸不支有宏治先輩風年二十八領嘉靖壬午鄉薦乙未登進士授刑部主事時貴戚張延齡倚勢驕恣結閣豎中外

爲奸漁民所有以萬計從仁壽宮襲取寶玉陰蓄門客術士魘呪蠱煽希謀不軌事覺先後問者類通情私不以實聞上命覆鞫之公與指揮王佐會議曰張氏大逆臣子不忍聞苟緩其罪何以示天下竟奏置之法公以新進士聽重獄蹇蹇不避權貴直聲震京師及出理漕運江西以吳鎮爲水次軍民交兌萬狀悉索輸者疲於奔命又其長貳不相能聚而譁率格殺擾亂無能噤搯會公平其獄以軍旗悍獷非會省要地不足以控制請移兌豫章上從其議御史周金課公績爲最庚子擢刑部員外辛丑春北行尙書周期雍復舉之遷浙江按察司僉事初天下徵稅例由州縣里民自貢遠者或數千里懷金遇盜徃徃性命不可保幸而苟存有司畏罪急於督責至貸鬻不能償公私交困公上言曰臣過山東見小民

號泣於道寧刃我母傷國賦實可矜憐乞令有司衛送京師免其役由是著爲令而公帑無虞民得蕪重困公遇事盡言頗多裨益既蒞浙益綜核明敏治無留難又倭寇爲患出入經營暑月積疾遂卒當是時公方精強遇盛明思奮發有爲大臣交章薦公上亦以爲能將用公而公卒矣父璞贈承德郎母吳氏贈安人取黃氏無子以姪嗣曰繼懋嘉靖甲子舉人公性至孝事母吳安人左右盡其歡雖外遊已戒行裝必涕泣再拜乃去比沒廬於墓哭甚哀晝夜不輟墓上產芝咸異之至今稱孝者率歸於公著有雁里集數卷人稱曰雁里先生

曰謨嘗過雁里墓見其石表人物頗偉著及讀墓文其力皆出黃夫人公故清潔方擢員外歸里行李蕭然閉戶不見客往來餽遺悉屏絕其卒也貧不能具棺以同人賄賂始得歸夫人力營數歲乃克成墓云

雙節婦傳

邑令馮其世

明初邑之順義鄉民蔣某有女愛貞受徐貢陳聘未字而貢陳沒愛貞悲慟乃向鏡泣曰女子修容以相夫也今已矣誰適爲容乃裂而分之以半殉貢陳自佩其半誓曰吾異日與死者相見於地下此鏡所以合也未幾兄蔣貴復沒遺孤甫二歲嫂陳氏亦勵志自矢家最貧與愛貞日蓬首泣血以織紉供朝夕愛貞年六十七陳氏年至六十五咸以節烈終當二嫠相誓撫孤機杼之側熒熒一燈投書不輟以冀其有成而卒不大昌何也天下窮孝苦節以子若孫富貴得傳者多矣若二嫠者窮鄉寒簷熒熒自守何所援藉而至今傳之不

衰豈非其貞貫金石自有其不可磨滅者歷年愈久而芳聲愈烈耶往者訓導何庭僚大尹葉公棣及巡使公穆各有詩文以紀其事予合是邑久得與士夫交訪所謂雙節者皆能道其詳而有爲何葉諸公所未盡者故別傳之以俟後之采風者云

寇公傳

陳士業南昌人

甲申闖賊李自成陷京師一時文武殉難自大學士范文貞公而下二十餘人皆抗節都城而慷慨赴義者並得祠祀其京畿以外諸藩鎮郡國死王事者不可勝數概未及錄河北屯田陝西右參議寇公其一也公敷歷中外所至著廉能聲而起家於江西南昌武寧合武寧人至今思之予好撫拾遺逸每過書肆輒搜敗帙於蛛絲煤尾中一日得年友李孝廉

頗有贈公序盛稱其吏治孝廉理學名賢不輕許人予固知公之爲人適公孫德滋手郡邑名宦志乞傳則公已爲學使者楊公兆魯廉其治狀列於郡庠俎豆予乃適然而喜曰予於公所欲得表而傳之者其又奚辭按行畧公諱可教字宅虛別號圖雲湖廣德安府應城縣人登萬曆己酉賢書越七科不第謁選授武寧知縣公少爲學期於有用嘗言爲民父母念民疾苦勿損下益上而已及任武寧留心於民痛澄宿弊囊中不名一錢郡守中州郭公亮稔知公廉恒語人曰某飲章門勺水寇縣尹飲修江勺水吾兩人頗無愧耳時方南北多事江右防禦素弛武寧地交吳楚風鶴頻驚公請於巡憲潘公會絃特建武寧營以鄧將軍子龍孫名禪者統之別立黃竹哨號爲龍哨丫髻山哨號爲虎哨募勇敢繕器械擐

甲介馬訓練無虛日草澤奸宄無敢窺公治所者邑學宮創自萬歷傾圮特甚公至官帑如洗躊躇久之拮据經營卒新其學迄今人文日盛舉於鄉者踵接多公之力鄉民盧顯以貧頑負官緡無算誅求甚急公法懲其頑而心悲其貧盡代償之顯妻泣而讓顯曰若以頑而累慈父慈父不以若頑而累若妻子若不改行復何面目以立於天壤乎顯痛悔不已率鄉民建祠以祀公後有賊焚掠鄉里過公祠曰此寇父母祠也其勿毀邑捕魁劉京武斷肆毒公列其罪上之直指論如法及倣裝入覲京率子姓追送於途公慮其不利於已至九江京叩頭泣曰公罪我者生我也吾何忍負公痛哭而去庠生李善衡無禮於趙兵憲兵憲怒欲黜之而善衡父子皆號能文值歲試公拔其子冠軍已而曲爲請釋其居官諸如

此類轉移曲成者甚眾兵燹煨燼父老能言之而不能盡焉在武邑七載薦薦刻者二十有二舉卓異者三至崇禎丙子冬以入覲留部旋丁外艱庚辰召起兵部武選司主事擢戶部山西司郎中甲申正月遷陝西右參議兼僉事屯田河北三月十九日闖賊陷都城後十日公爲賊縛去慷慨罵賊而死

曰予聞蒲俗士大夫甫釋褐里中不肖子願往爲之役者如驚寇公舉孝廉悉謝去唯貧賤時一二蒼頭持刺往返豈不超然塵俗外哉公讀書從政重名義崇風教卒不負國以死父封翁年八十亦先公罵賊而死父子相繼以身殉難爲天地扶綱常雖古之名臣何以上焉予摘其大畧以俟太史采錄其不繫武寧事者不詳也

盛烈士傳

盛 暮

盛公彌俊號逸園少立節概與其叔父潛明春秋爲縣學生並有文名以世亂不得用困於草野乙酉闖賊至鄉鄰竄匿公方危坐讀書神色端偉賊相視不敢犯公厲聲曰逆賊而至此耶明天子深仁厚澤而祖若宗生息二百餘年而故反耶吾王家秀才義不可辱速死爲幸遂以杖撻賊賊怒脅公行公益罵不絕口竟受害公室林氏素知書又從公學春秋益明大義至是避亂別所聞公遇禍泣曰夫子死得其所吾何爲獨生乃與其子婦某相抱赴江流死女服姑年十七以罵賊不屈死季子翥亦死

曰明史所書汪偉夫婦以忠顯人至今稱之公一門遭難死於節烈者凡五人然皆不見於史而卒湮滅以無聞其於沒世何如也

八義士傳

余騰蛟

八義士者討叛將鄧雲龍不克或不屈而死或亡去然人皆稱之爲義士云雲龍少亡賴遊武寧卜玟爲生人呼爲鄧打玟皆賤辱之金聲桓叛江西竄入行伍營弁職久之調武寧營時天下多故雲龍專柄一隅威福自擅暴戾恣睢酷嗜殺人縣尹以下皆俯首聽命不堪其苦鄉人有貨者輒召爲千百戶月進金粟有差不給則沒其產而殲之有千戶以省母失期論斬母少寡唯一子懷千金求釋涕泣階下而子已受刃母亦一慟而絕其慘虐大率類此後加都督益橫肆日夜飲酒歌吹殺人以爲樂人人側目縣尹任天祚忤雲龍意縛至將殺之八義士集明倫堂擊鼓號於衆曰縣尹一邑之父

母也今至於此尙忍與此賊俱生乎遂與義旅期尅日戮雲龍於市雲龍大怒急麾所部索八義士義士之黨遂解而縣尹自此長往矣八義士者曰羅懋備二雷汪起龍明德盛彌科文選杜棟貞吉張安世尊美陳六奇元伯六人皆庠生又二人逸其名或曰其一爲張令尹元會云

國朝

鮑馬二公傳

盧金鏡

聖祖仁皇帝之十有三年江西總兵楊富叛伏誅餘黨四逸爲賊皆巾白以哀其主稱白頭兵糾合滇孽所至焚殺劫掠無所憚郡縣苦之武寧以孤城處萬山中數被害而卒保無虞則鮑馬二公之爲力多也賊初來寇一由南鄉朱家山入一由瓜源間道入鮑公星夜詣鄉召集鄉

勇七百人同馬公督兵進勦瓜源賊賊敗遁歸靖安其寇南鄉賊亦敗走武寧解嚴明年賊陷寧州乘勝東下徧縣西南爲犄角西營羅墩南營楊浦沙田而靖賊楚賊同時寇瓜源龍腹兩處旌旂絡繹數十里不絕金鼓聲徹岬谷偵者守者悉錯愕失色而二公不爲動且授以密計設伏出奇與賊相持五晝夜雨淋漓不止賊砲不得發城上矢石如雨下多殺賊賊忿攻城益急會都統朱某援兵至乘霧入城遣鐵騎出斷賊歸路旣霽大軍鼓噪而出賊駭且奔馬公率所部直搗賊營鮑公麾鄉勇從之斬首千餘追至茶培港水暴漲賊皆淹沒諸鄉勇又逐擊羅墩沙田諸賊死傷無數生擒四十餘人縣城之圍乃解初鮑公聞賊之來寇也捐貲修城先事

爲備且慮營兵寡弱不任戰守急召九鄉勇健士入城給以口糧爲固守計又令設屯隘口保里相望賊至則鄉勇迎之營兵繼之左右夾擊賊遂不支捷卽厚賞之以故鄉勇益奮強於營兵方是時數百千烏合之人爭鋒野戰非有簡閱組練之師也非有超乘奪稍之技也而鮑公矢以血性結以恩誼人人願出死力不撓於利害而一以殺賊爲事遂至無鄉不戰無戰不克可不謂善用其民哉已而賊復入寇偪西南關壓水而陳馬公密遣馬兵暨鄉勇二百人伏獅子嵯賊舟濟西渡砲發殲之賊分隊東南者從淺水渡飛奔城下城中戒嚴童子亦登陣擲瓦礫擊賊賊少卻馬公急率步兵鄉勇渡自西關攻賊壘伏發繞出賊後夾擊之賊大敗斬首數百級禽一十一人獲旂幟器械無算賊自是不敢犯縣城矣馬公幼爛韜畧以進士顯適四郊多難出才力以衛我山城保我黎庶功誠偉哉鮑公一書生耳獨能激勵鄉勇忘死生聽馬公部署而文與武出入戰守不二遂破賊於戲如鮑公者亦人傑也後鮑公以軍功內陞而馬公困於資不得上聞竟於邑以死悲夫鮑公名泓鄞縣人任縣事馬公名文燦江寧人官守備旣並志名宦且爲傳以詳其功蹟云

曰予嘗謁鮑公祠竊歎我武於古人予祀之義何其合也然予又聞馬公塋東郊無一人奠麥飯拜墓下者豈功不及鮑公哉漠然寒山青燐一炬神沒而食報亦淺及弔古者謂是禦災捍患人也抑又悲矣

徐都督傳

盛元績

都督姓徐名月吉行二曾祖天眷祖日愛父文環世居小港有隱德以都督貴均贈一品榮祿大夫都督生有異徵術者奇之曰此子他日必貴惜父母不及見也已而孩與兒童相角逐卽疊石爲陣命諸童子爲偏爲禪聽部署都督儼然爲上將且曰異日貴顯不相忘也方是時天下初定兵革未息都督年漸長慨然有削平羣盜之意顧諸父老曰定遠侯建旄仗鉞立功邊陲死且不朽而予負七尺軀日健飯其將止此耶後去之江左主會呂家呂久在營伍會昭勇將軍楊捷征小梁山呂親老不能行代以都督有功授千戶長事在順治十六年尋征福建漳泉廈門直入賊營獲渠帥克復數郡遷明威將軍康熙八年從大兵勦臺灣戰江寧旋駐金門屯陳倉大小二十餘戰所至有功二十三年奉詔征雲貴都督身先士卒衝冒矢石連破一十九砦晉階左都督管陝西寧夏鎮標遊擊事於是始以原姓名上聞馳封三代歲丁丑

御駕親征噶爾旦於烏輿命都督爲先鋒大破之授花馬池東協副總兵官兼勒布喇哈番加一十九等留鎮者四年而都督年已六十七矣明年

陞見乞休

聖祖慰留至再始

允其請

御賜袍酒晉階榮祿大夫馳驛還鄉於斯時也武之人始知有

都督而都督亦垂意桑梓訪舊相識無一存者與邑父老談往事趺坐竟日顧盼自雄其精神至老彌健視班定遠爲何如也都督字元功號泰菴卒年八十五予先兄士極初爲都督孫壻猶獲拜都督於閣下嘗爲予道其本末如此云

曰予觀都督自幼從軍戮力行陣大小經百餘戰身無完膚豈復作生還想也然卒賴

國恩異數頻加退老林泉可謂榮矣乾隆三十年纂修

國史奉文徵取行實紀名入傳殆所云功在社稷沒而可祭於鄉者與

盧都督傳

楊光斗

盧達字瑞芝長樂鄉松村人身經大小百戰初授千戶尋授明威將軍昭勇將軍及平雲貴有功乃拜左都督晉封榮祿大夫方

聖祖仁皇帝之己未春命都督從總督董往討滇黔諸寇五月

攻烟溪甲冑連日不解大破之秋從簡親王勦賊紫

陽河屢捷賊敗走追至武岡州救被難崗民四千四百

餘人明年春破黃茅嶺隘口追賊至黔陽賊潰夏靖州

賊倡亂血戰數日克之旋攻大岷門恢復鎮遠府衛城

遂駐防鴨池河河水汪洋澎湃浩浩兼天賊截渡無舟

都督奉令渡河士卒苦之尋編竹爲筏乘風破浪我主

帥從壁上觀筏如葉人如豆飛渡中流賊見胆落追至

黔西賊遯方是時滇黔甫平而馬寶復爲寇四川矣都

督衷甲銜枚偵探虛實得間卽領兵攻綏寧誘之嘗之

衡之翼之拔其營禽之岡州隘諸賊遂棄輜重如鳥獸散而西南悉平初都督年五十一効用督糧署甲寅江西楊富爲亂大兵駐江城下令造戰船無有應者都督詣軍門曰能如期報竣試諸江大小艨艟金翅以輪擊水一一如法撫軍奇之乙卯遂命都督從李巡道禽奉新賊從吳副將恢復西北七邑丁巳從董總督敗撫州賊秋攻廣信與賊戰自寅至酉不休者數日賊潰乃班師冬進勦楊一豹衷賊甬搗賊巢江西自此平矣嗟夫都督掘起隴畝非將門子又未嘗讀七子書算勝衽席卒能勇敢過人戰則無有不克而造船編竹雖諸韜畧者不如夫豈天授哉抑予覽徐都督月吉遺封與都督功績相埒及歸豫寧云亡自童子休自耄年都督則五十從軍自甲寅至丁卯以榮祿大夫休致卒年八十有二可謂奇矣

水園曰予讀鍊鎗傳云人死留名豹死留皮武人血性過人勲垂竹帛豈偶然哉吾豫寧得兩都督悉以微賤致富貴且得壽終詩曰方叔元老克壯其猷信夫

鄉勇會傳

李趨堂

康熙甲寅江西總兵楊富叛伏誅餘黨戴白巾稱白頭兵竄入靖安武寧與靖鄰東西南北賊勢蜂聚而豕突邑侯鮑公壯兵十人守府馬公部卒百餘人二公者誓死孤城羽書馳四境而鄉勇遂人人出死力殺賊賊平城亦無恙而予讀鮑公定變畧我武以孤城懸萬山中非有金湯之固諸鄉勇以耕鑿息作之人未嘗讀孫吳

書一旦忠義固結家自爲屏里自爲翰血性淋漓以衛社稷功成而邑侯猶嘖嘖獎借不已乃稱勇哉於是攜藥拏手四百餘人入城死守者則李君召羅恩也寄妻子傾家私會集鄒楷鄒英文張時中張玉繼諸義士戰守石門大路小流諸村自甲寅歷丙辰殲賊無數鮑公劄賜寸許云諳武通文者則張居午也至今硃墨爛然讀之合人流涕朱家山爲靖賊衝衢蹂躪我平原毳浦艾嶺羅溪一戰而奪輜重旗幟衝陣斬首十七級則張禹門周惟達也後復偕同里明經蕭引鳳城北孝廉陳思珊諸生汪起龍南市盛永齡招撫百餘人嗟乎微禹門里人迫脇逃匿幾陷賊黨矣而靖賊之由間道出瓜源長墅源也練長余仲岳盧秋方盧以良盧季立盧櫟輅盧興讓盧公言石連城柯斗南統鄉勇七百餘人一戰俘賊四再戰殺賊九三戰殺賊十餘人四戰斬獲無算賊由間道入者悉潰方是時九鄉相犄角誓與賊不俱生而援兵大帥朱都統已至城下武寧寇患稍稍息矣歲丁巳昇仁鄉上北山劉可北禽一僧赴縣則僞監軍道莫友榮也友榮自黔入寧州爲賊渠事敗逃匿靖建二年黨絕援盡至武始成禽其餘勤偵探守斥堠防賊無殊功者不錄鮑馬二公遺書缺名不濫云

余巴陵公傳

余光廷

巴陵邑侯余公采臣名天亮安樂鄉人生而骨鯁稜稜不肯近人人亦罕有近者族文學均國愛之與子司訓公肆力於古遂成佳子弟年十九補邑庠課生徒以養

母康熙丙子領鄉薦里人艷之後學多從之遊然公震
起於老成衰謝之餘力又足以傾俗學轉風氣而心復
欲然自下其意量蓋遠矣哉

憲皇帝御極之元年奉

命宰巴陵舊浮徵稅銀漕耗悉除之隣治華容富紳屠民塚
構宅有年訟華容弗白訐岳州檄公往勘富紳賂以金
却之平其獄毀宅還塚其廉明類如此楚中丞王公諱
之樞者喜公初膺民社政績卓然方議破格上薦公顧
以老致仕一時留者孳輿眷戀不忍別及出境吏民悉
泣下數行作去思碑建生祠祀名宦嗟夫如我公之爲
巴陵邑侯固不朽然豈不朽巴陵已哉初公之北上也
偕分寧孝廉胡從憲行憲沒都中公舁櫬以旋無難色
及公致仕歸道經華容百姓無老幼皆跪迎之餞送三
日公慰勞之始還觀斯二者公豈百里才耶卽令偃蹇
不出其所行事可以風矣

盛教授傳

邑令 鄒應元

盛先生諱際斯號成十其先居錢塘明洪武間故進士
文郁令武寧歿於官子孫遂隸籍世爲武寧人自文郁
十傳至贈公德壽世有隱德贈公生子三先生其季也
先生生而穎異年數歲口授周易卽能了大義稍長折
節讀書會兵燹書籍散佚遂從諸舊家借錄口誦手編
不少輟其吝不與者止其家旬日輒默記而歸弱冠學
大就補博士弟子尋充貢入太學何太史義門一見大
奇之遂與訂交義門天下士也遇人少當意而獨推重

先生屢困場屋不第選樂平教諭既之官開講席引進後輩以經史相磨勵歷寒暑不倦其貧無資者捐俸給之一時諸生感激皆就學先後受業者率有法度可觀有二生兄弟爭產請平於學惟意所左右願納千緡先生責以大義皆涕泣式好如初某生失禮縣尹將斥之生懼懷金以請先生揮之後竟釋不問其識力之定多類此先生好文獻任樂平益搜討不厭時中丞白公修省志檄下徵遺事先生發書親自校讐上之魯臥雪王松塢程正之諸公文稿列於志乘皆先生力也後遷吉郡教授上官廉其狀上章薦之力辭以年老乞休遂歸里先生事親孝事兄悌元配李氏繼鄭氏生子四皆有文行能世其家

曰朝廷設官命名各有取義若先生者其真教諭矣暮夜投金截然不動求之廣文中豈易有哉吾嘗過成十先生講堂見三尺稚子語言皆有準繩嗚呼先生之貽留遠矣

余秀才傳

梁鳴岡

長樂鄉羅坪余公仲岳以干城之才捍衛社稷其子德有授田畷兩膺鄉賓孫志達世勲志高悉爲邑諸生而志達獨稜稜然風節自喜兄弟激昂慷慨相與論議謂讀書人斷章句工詞藻自命爲學者及見諸行事力不足以匡時功不足以垂後遺金萬鎰爲子孫計溫飽不數世而散佚無餘誠可哀也吾祖岳佐邑侯鮑公禦楊富餘黨之亂寇突出瓜源長壟源祖設伏源陰峭壁千

尋下臨棧道寇踰岬伏發下石如雨擊死無算明年寇
偃城邑祖率鄉勇七百餘人會官兵南市夾擊之大敗
鮑公賜以額曰才可干城至今豫寧父老傳說甲寅白
頭兵事徃徃流涕志達云而是役也予讀鮑公定變畧
詳矣及紳士進謁道羅坪余氏子多賢仲岳之後也翌
日太學生余廷相廷楨廷傑盛衣冠再拜述先人達遺
狀曰豫寧志乘屢修屢弛文獻闕有間矣一二忠魂苦
節埋沒荒烟蔓草中無人存問可勝悼哉後有賢邑侯
莅武謀諸邑紳士起而修百餘年廢墜之典爲我遺函
金五百兩以上予聞而嘉生之成先人志也又退而思
仲岳出死力以靖亂一時其食報至子與孫傳之無旣
如志達者身雖死精神奕奕不朽其特書以光邑乘宜
哉志達字聯泗晚年築室靖峰別號靖峰先生前捐粟
百石以飮社倉捐金五十以資豫寧書院又緒餘云

潘紫葦傳

梁鳴岡

七十有七老丈潘紫葦居寒泉樓臨荷花池無事不謁
官署一日進而請曰豫寧學宮湫隘規畫不周沿襲已
久自度力雖不足爲一邑先竊願輸千金鼎建大成殿
凡都人士應各出已貲相與以有成焉予曰是舉也崇
學校重人文明大體莅武九年求之不得其人而今乃
有此豈非盛哉翌日予登明倫堂道及紫葦盛舉諸紳
士亦踴躍輔翼鄉市如出一詞予益喜而商確初終曷
以無斃諸紳士曰潘君老成人也度材於山選匠於肆
先已彌月始出而肩其任予然後益信紫葦不負予所

望也顧予抑聞前明進士潘儵祀鄉賢子元齡乙榜建
寒泉樓詩酒讌好一時稱盛蓋紫葑族祖也紫葑母萬
孺人九十大壽予登堂祝之而紫葑年且老命子邑庠
江候選理問孫顯祖太學生運型業儒周旋執禮甚恭
予益知潘氏於武爲世族紫葑獨以樸而致富慷慨樂
施毀屋獻基以廣義學捐腴田以資膏火年飢施粥歲
寒施衣死者施棺何其惠也今老矣強健如年少步履
不假筇杖日往來明倫堂督理土木之役以告成功其
老而好義爲何如也紫葑名崇桂字上攀由太學生貢
成均

洪孝廉傳

鄒應元

洪先生文機昇仁鄉中村人宋學士忠宣公裔也生而
穎敏好讀書爲文慕歐陽清紆宕逸使人一往而深不
能以自己弱冠補博士弟子食餼每試輒冠軍爲諸學
使所深重延入文幕校試諸郡名人文士多出所薦而
先生僚侔不過至己酉始登賢書旣上公車不第遂家
居講學爲樂日與子弟研書論文張其壁壘而子弟亦
皆桴鼓以進後先攻取傑然爲一邑名鄉先生故清高
布衣蔬食徜徉山石間裹足不入城市至邑宰願見不
可得人比之爲陳白沙云先生事親孝衣服飲食必躬
親友愛尤篤兄偉卒撫其遺孤次第成立嶢舉孝廉威
補郡學皆先生之教也歲戊辰以知縣選用方伯下牒
徵之先生曰吾老矣子姪輩幸與鄉薦馳驅王路當令
少年任之遂辭不赴先生字豹臣號抑菴嗣君五訓詔

謙詞論皆能文各出手眼人以爲方興未艾焉予雖未
得見先生素慕先生文行又與詔爲同年友以先生傳
請不獲辭遂爲序次如此

陳教授傳

盛翼

陳思珊字翠池一字聖聞坊市苑橋人弱冠補弟子員
甲午舉於鄉初授建昌南城學博當事廉其能委佐縣
事後補授廬陵復遷筠陽教授秩滿辭歸先是甲寅白
頭兵入寇南鄉爲靖賊衝衢張居午張禹門且戰且守
已三年賊黨猶潰逸四出迫脇多人逃匿多人時邑侯
鮑公日夜區畫造廬迎先生曰昆岡玉石焚以一炬則
忍甚然齊魯爲盜風氣易以轉移先生年高而望重一
出則鬼蜮烏鼠望風革面如登衽席不然魚肉我民人
奔馳我士卒蹂躪我疆土守令誓死飲血於事無濟願
膏輪結紉以送先生先生曰行於是耆老盛永齡先爲
開導明經蕭引鳳諸生汪起龍與先生至迫脅逃匿者
悉焚香道左招撫男女五百人有奇初先生官南城城
郭殘破學舍灰燼諸生流離竄伏無以爲家先生多方
慰字之又脫副齋某禍一時訝爲名師慈父與吾武後
先相類云嗟夫先生三擁臯比朱高安可亭梅公月溪
皆爲門下士則夫先生之事蹟文章不獨彪炳一邑一
鄉已也先生年八十有七乃卒

曰予觀先生修治邑乘所爲文多奇傑之氣又讀先生
送鮑公序無一語及招撫事及覽定變畧知鮑公倚重
先生爲長城豈不偉哉

余司訓傳

邑令鄒應元

先生姓余氏諱文梓字季良康熙戊子歲貢官萍鄉訓導初武寧僻處郡西地荒隘兵燹後典籍煨燼學者少文先生攻苦力學爲文章高遠雄邁一時風氣所趨遂甲於他邑先生沈毅有幹畧遇事不引避尤以濟人爲急康熙十三年楊富兵亂南昌餘黨竄靖安由間道出瓜源長墅源里人陽與賊援且曰詰朝犒執事使者諾馳去次日壯士設伏靖公厓待賊賊至伏發遂驚走相繼蹈溝壑死當是時郡邑被寇者所在爲墟武寧以孤城懸萬山中藉鄉勇一戰之威而賊終不敢犯是時先生年雖少已申大義殺賊矣先生家居簡約澹然蔬布至鄉里緩急常傾橐無所吝人皆賴之歲丙申邑大水潭埠地瀕河河驟漲先生令編木爲大桴率健夫挽之居民凡數十家需次畢渡其所全活尤無算先生負經濟才以期有用其見諸事者皆有益於當世然卒不遇而以廣文老卒年八十一子騰蛟中乾隆乙丑進士築賓竹堂獎借後進文章學問卓然爲鄉先輩人稱賓竹先生官比部郎被議歸而卒

盛季子傳

刑部主事余騰蛟邑人

盛季子劍山于埜季弟也成十先生官樂平時生季子故名曰樂水賓其字也季子幼奇傑讀書空古人墻壁洞抉深際出其所有老師宿學多不能解甘清恪見之謂人曰此一代文人也康熙庚子季子年十一于埜語予於南昌予心異之不得近而季子亦記予名書縫中

又五年始與季子相見當是時季子才甚富氣甚豪出入漢魏之門以詩文跌宕自喜予方銳意天下事軒軒然欲有所出不相爲用然季子時時喜過予談予以是益奇季子已酉予僦居洪州僧舍季子襍被來就夜定酒闌縱談及鷄鳴上下數千年手指目瞬至燈爇茶罄不少休時十三郡人士盈集如雲文酒之會甚盛黃永奪靜山楊枝遠季重黃世成培山皆一時名流莫不願褒季子而季子馳騁其間出沒衝笑顧盼自奇益爲諸君所愛重江右才雋之士知季子名自是年始予之貢太學也季子送予江上曰以子之才何所不可爭一時與爭千古孰輕孰重子其圖之比予得假歸季子聞之大喜予築存吾園曰與季子兄弟往來所爲詩歌古文摛摘予奪畧無所諱亡友王訥夫頗以東鄉爲戒季子持之益力而予與季子交因是益固

今上元年丙辰予二人者應

徵北上季子年二十七予長

季子十年意氣甚壯各負所有並力而馳水驛山亭之流連通都大邑之盤桓所識海內名人譏評風月俯仰進退毫墨方新梨棗已屬由是季子之才名遂聞天下及同歸山中季子慨然以著述自許詩文日盛而交遊過訪上下修水不絕予雖獲第竊祿於朝時復以季子山居爲念已而被議南還季子已病顧予笑曰待子久矣千秋之業山中尙其可圖耶語畢輒咳骨稜稜見衣表予固嘆其懼甚又幸於今得及季子盡所欲爲而不謂竟至於死也季子生有至性甫周母鄭孺人病不食

乳對母有憂色泪涔涔下病瘳乃喜事兄如師友至論
古人是非必力爭病篤時猶與于坐于明辨古今人物
不少假借喜飲酒與友人飲必盡歡有無一盡於友無
所惜而生平所交惟予與李屯莽爲最深

曰庚寅十月朔夜樂平學署火上笑聲呵呵不止及曙
而季子生鄭孺人喜曰離火文明之象也此子其以文
鳴乎比壬申中秋火大笑一夕而季子竟死矣嗚呼如
季子者真文人哉

季子天下士也其奇偉之氣雄雋之才有不可一世
者南豐趙孝廉由儀嘗謂人曰季子胸中含孕萬有
吾足跡半天下所見賢豪罕與比京恨不得日夕相
親以快吾願余比部與季子相習最久相得又甚深
而力又足以出之故所言多不可爲外人道以季子
之人之才而得以傳庶幾人以文傳文以人傳云耳

盧司馬傳

戶部員外顧長綬

司馬姓盧名璜太學生大中公冢子居大田距予白槎
不二百里兩姓遂爲世姻司馬於予固相知久予又與
司馬仲子太學生濟結子女好知司馬行事甚悉然往
來不三十年司馬公已故其子貧且拙無能道述先人
生平而予自乾隆丙申過大田至辛丑遇盛熙堂楊冰
園于都門談及豫寧重輯邑乘有故司馬盧公者慷慨
出千餘金以修前志雖志已燬司馬公之名不可沒也
前豫寧志書修自邑侯劉稿初就罷去後金匱鄒蒞武
敦請故比部余騰蛟司訓盛大謨分纂成書凡搜遺補

闕膏火梨棗楮墨之費經數寒暑司馬供給如初又耘
吾盧琳曰司馬之少也大中公見背遂棄舉子業養寡
母課諸弟母病癱瘓公獨翼之葭菴藥餌非親調不進
如是者二十年有奇矣歲癸亥邑饑出粟濟之東南賴
以安戊寅置社倉輸穀百餘石都人士義之而予謂司
馬公固好義者又性孝友明大體其慕義也益力其課
諸弟也不務爲詞章之學其留心文獻也傾囊中所有
以輯成書其不幸書成而廢也於公無言責其幸而志
乘之重輯於今也如公者可不傳哉時辛丑秋七月得
盧琳書於京署乃爲之傳寓實園張先生家書函中達
豫寧司馬字肇西別號南峯太學生候選州司馬年六
十二卒

邢侍郎傳

余鳴珂

宋吏部侍郎邢凱號坦齋長樂鄉人登嘉定甲戌袁甫
榜進士以文名著有坦齋通編及致仕構黌岡書院儲
書萬卷乃稱富哉

曰有宋一海宇一祖列宗鼓磨儒學以作天下百年之
間四方之文辭爛然軼於前世可謂盛矣雖文章治亂
以國運爲終始而山深水隩之區往往有其人焉灤灤
奮迅以出卓然而不朽南州修水七百里西則有黃山
谷東則有李宏齋毗山谷起者則有徐師川劉後村及
其季也邑人周學士應合而侍郎邢公坦齋已岸然于
寶慶先矣際文治之朝一時之盛久已成天下之風俗
宏齋山谷諸君子之書傳矣而邢公亦當時之彥不以

彼此殊而遠近分也顧今去邢公之世五六百年求其所謂通編者不可得見予家藏書纔足數千卷力薄而寡遊不克致遠方之圖籍以究其存亡閒取通志讀之得其論詩一則其他泯滅荒殘使人長喟也公以儒學致位通顯其居官政績有可紀述者史氏旣無能問晚年結屋鬻岡下帷講學遠近文人悉至又有門弟子左右之而其書顧介於傳不傳之間則何以然哉昔韓子云達者其道行窮者其說長而予觀窮達之際公尙如此一二山澤之叟攻寂寞之詞發清幽之韻風雨晴冥鳥獸林泉之聲相爲響應自謂長矣卒無王公大人託以必顯其殘編斷稿卒不免蠹魚水火之戕敗又奚足惟哉公論東坡詩人遇喜歡來遠夢地名惶恐泣孤臣更惶恐以對喜歡此詩人習派也於戲如公者片語亦足傳矣

武寧縣志卷之三十三

藝文傳

邢侍郎傳 補遺

署贛州教授張紹璣 邑人

侍郎姓邢諱凱號坦齋長樂鄉人登宋嘉定甲戌袁甫榜進士官吏部侍郎清理銓政一時人材無滯越之患著有坦齋通編筆衡諸書晚年致仕構贛岡書院儲書萬卷下帷講學遠近文人悉至迄今五六百年其居官政績既無從問而生平著作亦散佚無存伏讀

欽定四庫全書提要內載坦齋通編一書原本卷帙不可考惟

據散見永樂大典者逐韻掇拾編為一卷僅數十條焉所紀有淳熙中見冷世光論姓氏事在孝宗時又有慶元間高秉文命題京鏗攻中官王德謙二事及近見楊

誠齋易傳語則是書成於寧宗以後其書多考證經史略如程大昌演繁露洪邁容齋隨筆之體如引思齊之詩辨文母太任非太姒引說苑證伏波之號不可單稱引國語證列子西方聖人不指佛引明堂位鄭註證漢書禿翁字引朱買臣張湯傳謂漢書自相矛盾引李吉甫傳謂唐書前後舛異引前漢書證豺狼二語不始張綱埋輪引鄒陽書證鷲鳥累百二語不始孔融薦禰衡考訂皆爲精核他如論術家擇日及五音配姓之非論姚察置人事而委天數論救荒當知戢姦論羅浮山飛來峯之妄論漢高祖同罪異罰論求長生論毀淫祠論公儀休怒織帛不可訓持論皆爲正大至所論子雖齊聖不先父食不應坐顏回曾參於殿上而列其父於庶下宜別立一堂之說後世建啟聖祠竟從其議尤可謂知禮意矣其筆衡一書李時珍本草綱目及各家醫書嘗引據之亦不獲其原本又通志載侍郎論東坡詩人遇喜歡來遠夢地名惶恐泣孤臣更惶恐以對喜懼此詩人習派又見有贈滁平李叔盈家譜序贈傅氏譜序序內有與叔盈同執經於建昌宏齋先生數語曰邢侍郎坦齋周學士溪園皆卓然宋代後先輝映溪園之書今尚有存侍郎之書名言至論能補前人所不逮而顧介於傳不傳之間殆有幸有不幸歟噫如侍郎者自足傳千古矣

盧大夫傳

邑人張望閩楊

公諱達字瑞芝破石坪人南唐尙書儔之裔少貧薄不

自俚游寓江省年五十一賃傭糧道姚公署陸陸無與
爲名姓康熙十三年叛將楊富餘黨稱白頭兵爲亂大
兵駐省城屬辦軍事有功明年募造戰船無應者公列
較中前身曰某能節帥由是奇之於是洪東西州郡多
陷巡道李公副將吳公竝才公爭致麾下十五年用公
勦奉新流寇擒之旋從克復上高建昌安義靖安餘干
鄱陽六縣乘勝蹶賊於瑞州是役也公功爲盛授千戶
長是時洪城艮山民塗而載者數千人悉倚公爲合還
止其疆十六年總督董公有撫州之戰授明威將軍尋
攻江潁山勦朱天錫復銅鼓營遷昭武將軍十七年春
徇吉安贛州大破賊秋與廣信賊對壘鏖戰凡五晝夜
克之進取楊一豹搗其巢賊盡江西平公還省下有故
旅往來客候公曰方賃傭時不知君之至此也脫冠見
著兜鍪處盡禿然公年已老而精力不衰時時爲氣如
壯丈夫行者黔滇告警

皇上命總督某往討之檄公偕又慷慨騰馬脊行矣己未春大
軍赴雲南五月攻烟溪身先諸將夥斬獲入 簡親王
部勦紫陽河賊連大捷救出被寇四千四百餘人於是
破黃茅嶺克靖州復鎮遠衛城駐平越府討馬寶防鴨
池河謀渡無舟乃命士卒編竹爲筏乘風直進賊望見
膽落不戰走矣追至黔西而還雲貴初定而馬寶部方
寇四川公語督帥往偵得其虛實乃捲甲直趨拔其營
隨略隘口獲輜重器仗無算賊尋滅督帥上公功最乃
班師壬戌還江西官拜左都督仍帶軍功二等管湖廣

施州營遊擊事越五年晉階榮祿大夫贈曾祖祖父如
公階年七十致仕歸卒年八十一葬新建畢家山公起
行伍老乃得官出入輾轉於矢石間者近十年諸妄大
小鬪未嘗敗北嘻蓋其人豪哉

盛仲子傳

振盛 颺 梧岡

仲子于埜先生幼隨父讀書官署十八補諸生深有得
於左氏手左氏錄一卷學者珍爲奇書性孤子初與潮
州吳東樂平王起隴同邑余騰蛟爲性命友雍正己酉
成十公解組歸謀舉家譜未遂遺命先生編次乃與季
弟樂悉心考核幾歷寒暑而書成先生自是益閉戶讀
書不假聲譽時大司馬新吳甘公臨川李公咸折節下
之先生之名益起安福進士胡樑南昌進士蔡正笏興
國李太史應熙新建熊太史爲霖新城黃太史永年舟
車道上走書幣不絕乾隆己巳

恩詔舉經明行修之士觀察黃岳牧舉先生先生辭不就歲
辛未金匱進士鄒應元知縣事以馮志卑陋屬先生爲
一書太守朱公嘆服不置前是盱江太守姚公聘先生
至盱纂修郡志姚公嘗語人曰史才也時先生僑寓石
公堂與廣昌侍郎魏定國進士賴晉南豐謝鳴謙南城
陶其慤談論古昔人才盛衰倚伏之數上下數千年媿
媿不倦晚乃築宇雲巢講學遠近從遊者如南昌楊屋
南豐謝本量新城魯士驥南城曾廷樸同邑汪朝楊光
斗皆出門下己卯以歲貢授安義司訓立規課士設養
正會集諸生講習立言篤行要旨秉鐸三年士風振起

科名溢於前世新吳進士徐曰明年少負才挾其所爲
詩走安來質退而嘆曰眞明師也分宜進士林有席與
先生書曰先生多存一日則後生多一日典型時皆奉
爲名言壬午以疾卒於安義官舍所著字雲巢內外集
詩鈔論語聞諸書平生自愛其文不輕與人南康太守
夏公爲書加幣求文而卒不可得邑侯鄒有兄曰鶚爲
江左名士齋其文集走使數千里乞序鄒公嘗謂先生
見解多出漢儒之上每讀其文輒拊卷嘆息云先生名
大謨字于埜號字雲

曰武寧僻處深山名不聞上郡自先生兄弟奮興士風
爲之大振時俗喪事尙僧巫先生倡復古禮皆知擯異
端崇正道至於詩古文辭行雲流水不事劖刻爲後人
摹擬所難及此殆有天授焉非人力也

盛叔子傳

邑拔盛翹新埜

叔子名鏡字于民號止水成十先生其父也幼隨父任
與仲兄于埜季弟水賓讀書樂平學署成十先生勗之
嚴而三子皆負奇穎銳志稽古角力以進父子兄弟師
弟友朋遂闢詩古文門戶學焉各有所至成一家言叔
子於詩淵微深厚三百之遺知言者屢焉厥後仲以明
經鐸龍津季以選貢入太學叔子則聲塵寂寂不求人
知卒以布衣老而叔子固樂甚夫以世俗榮枯之見鮮
不爲叔子悲而千秋身後之名在此不在彼然後知叔
子之樂人所不得有而叔子之於爲人何如也叔子有
舊廬曰繭拙日坐其中力求古人爲己之學稍暇則飲

酒自適長嘯微吟著有寄軒詩鈔王訥夫李屯菴蔣若
生熊鶴嶠諸先生稱其風味於元亮爲近學者不獲見
用而束身修行力追於古亦足以自立於人世間也區
區著述云乎哉今海內談古學猶知有三盛先生兄仲
弟季叔子參處其間視古稱家學何多讓焉歲癸未重
輯邑乘纂修以叔子列儒林闡潛德也發幽光也千秋
身後之名其在斯歟於戲叔子可以傳矣子樵字雲子
才邁絕工詩文未冠而夭有詩見藝文牧乾隆庚寅舉
人詩賦膾炙人口屢見重於學使一時目爲名下士

汪魚亭學博傳

鉛山蔣士銓
太史

汪軻字輦雲號魚亭系出新安先世遷江西武寧遂爲
武寧人軻幼孤貧有兩弟能食力養母乃師邑明經盛
謨讀書謨築宇雲巢以居治古文有名當世軻獨好爲
詩五言古體力追漢魏近體師太白襄陽皆尙高格學
成遊南昌館葉氏葉有孀母奇其詩敬禮特異字以女
軻病母手調湯藥左右之時臬司凌公璫藩司彭公家
屏皆才軻學使金公德瑛拔軻冠其庠名驟熾軻贅昏
日三公咸遣隸役執事爲時艷羨乃迎母母習於山居
俄返里南昌楊屋本天全六番招討宣慰使孫雍正間
安插來江西屋九齡以詩名至是與軻相伯仲時稱兩
才子然軻日貧困乾隆丁卯薦而不售遂浪遊四方又
數數垂橐歸卒無有知軻者新城進士陳凝齋先生道
講學鈴口招軻同諸子讀書始與公子守誠守詒輩及
魯君仕驥善公學以治性匡時屏榮利絕紛擾爲要軻

益務實學終無所遇庚辰遊京師贖貲貢太學應京兆試仍被放去癸未武選君守詒赴官再偕入都都下故人益憫軻憤鬱不自聊輒放於酒酒酣罵座目張炬與人爭辨抵案碎壺不肯屈已而痛哭呼死友趙山南不止客不能堪皆避去先是金衢嚴道守誠爲軻買田使家食軻至是賣田入貲注廣文籍又不足於是武選君成之越數年授吉水訓導歷三月卒於任遺孤四皆幼穉無所歸載櫬寄厝南昌柘林郵武選君迎其家至中田贍養安居而軻配亦旋卒武選君撫卹諸孤使各執生業俾無失所又屬魯進士仕驥相冢穴合瘞其夫婦托分宜林君有席選定遺詩雕板行世嗚呼軻交遊什伯能全其家封其墓而存其詩守詒仕驥有腐三人而已軻性忼直平生以妻子友朋爲性命凡奔赴友喪哀痛如骨肉以是與軻交者胥弗忍相負甲戌內寢火軻於烈燄中一再擊妻子出兩手焦灼幾死月餘起而十指短秃如椎尙能握筆作詩遊跡所至如燕齊吳楚兩越山水勝區必極流連詠歌之至悲涼骯髒閱者憫焉嘗佐寧化雷公鉉視學浙中幕僚雖眾公獨以軻與仕驥爲上客嘗曰兩生志學非時賢可及其友惟南豐趙由儀稱尤契由儀字山南稱神童年十七舉於鄉越六年卒軻哭之幾殉父維型一名瀾故詩人所著浣花青崖兩集先後遭水厄遂不傳子四敦淑敦淳敦浩敦澁女二長適南昌舉人湯炳子承綸幼未字著魚亭詩鈔凡二千餘首藻香館詞并手錄子史十餘卷卒年

論曰予年二十自上黨歸始因楊子載壘交魚亭魚亭
乃視予如兄弟吾三人出入與偕讀書尙論或同或異
互爲嗔喜然胸無畦畛患苦相卹及予困公車十年魚
亭慰勞彌苦丙子予時以中書在籍六月稅城南僧舍
潛攜君習靜歷兩月日夕督課禁少懈魚亭輒怒予泣
曰君怠將終蹶矣魚亭亦泣是秋又薦而不售庚辰癸
未魚亭雨遊 京師恒共臥起而君對酒輒醉醉輒哭
予旁皇而已丁亥予浮家會稽聞君得官旋聞君妻子
入中田免此離更聞君婦卒嗚呼十五年來予之忽哭
忽笑哭而不能復笑者遂至於斯也今遊中田得見君
諸孤君夫婦且將同穴又及見選定君詩予乃破涕爲
笑笑而復哭矣遂補傳君或借以存生氣若君之窮則
天也嗚呼

張君人峯先生傳

高安王 齡

君名望字櫻檀一字時獲號閨榻族贈曰人峯武寧北
鄉二十七都人先是嘉慶元年

詔命州縣選孝廉方正之士時人峯先生春秋五十又九早
值舍藏安貧讀書力行旣成著儒家文字五種樂此勝
於韓魏朋儕以爲人峯十又二歲而孤事母惟敬與色
送死葬祭不違禮兩弟房有孤寡幼壯窮疾撫卹殷勤
雖析炊如同爨也斯可謂養志者矣其於孝爲何如又
見人峯敝衣貶食遭遇士大夫下聘往往揆之於義却
而勿受斯可謂富貴不能淫者矣其於廉爲何如又見

人峯卒當大事必求全責備不私恩顧不避怨嫌斯可謂砥厲垠鍔者矣其於方爲何如又見人峯終日把卷不妄笑言不倚奇袞陰行詭道無敢闌入其門客遊須臭味相投方肯下榻處已接人斯可謂無偏無頗者矣其於正爲何如有是四端自古爲難欲舉而鳴諸當路人峯則退讓不就作辭舉與人書末云書生糟粕不聞君子大道等之方今文章之虛夸自足而已殼薄之悃諒以愛相加遺者審而裁之周易所稱謙謙於人峯不益信乎觀其文之高者下同柳韓班馬上及三代唐虞子雲輩再出必好之矣

曰予家高安人峯居武寧初不謀面自乾隆乙卯邂逅灌城相共談心得其爲人與文顛末予發明中原十九韻句人峯序之如源泉混混支分派別予講韻學私謂差可誰知人峯於此道更有精焉者雖李杜復起必側席以待嘉慶戊辰予客授洪都暮春人峯長郎愧方旋自江蘇學署進謁舍館予寄詩補祝人峯先歲七十壽不期冬間人峯作古予接凶音泣然流涕蓋棺論定品學無雙而今而後不可復得也遂作傳以貽之請質王於人峯朋儕道遠用將弔唁云

安徽廬州守張實園傳

王子音

先生姓張諱華甫字松浴號實園江西武寧人乾隆戊子以選貢舉於鄉辛卯成進士由刑部主事游歷員外郎郎中丁未出知安徽廬州府事起家單寒事畜仗心力勞苦飢凍拂抑若固有者讀書客授予寧先後山居

四十四年官京師十一年守廬州二年居易俟命和而不同善用已長彌縫人短然是非黑白胸中鐵立不可奪稜稜介節窮且益堅年五十七卒於里第至不能舉喪所有以貽其後人者惟文章政事而已矣府屬無爲州毗連廬巢和舍賦甲通省南當江水北注受禍最烈明初壩爲江吞嗣縮二壩至六壩以讓之屢興屢廢乾隆丁未於舊河險要處別開新河由沈家塘方家橋支流以殺其勢增七壩於舊河之北增八壩於新河之南明年春委先生履勘條陳六壩外敵大江內徧大河宜急培高厚俾舊壩皆可恃爲保固上官躓之於是割太陽洲蘆稅爲歲修易曰損上益下民忘其勞先生有焉其汪氏守子九年夫兄利產逼嫁且誣以私案懸久矣先生至立雪之無爲闔州稱快禡遣健訟貢生李某不獨爲合肥除害也縣西八十里舖劫商者壽州盜也非革役張標也張標棄其妻而踞李某之妻兇徒也又賭匪也非盜也當合肥劉令微行緝拏張標糾黨六七拒捕李某証之鄰婦証之其妻又証之令故能惟恐不實詳請遴員會訊畫供如一先生以贓數不符難成信讞陰察鄉評又餌其八歲女供吐前狀仍檄劉令捕得真盜七人而張標七人者自此說桎梏爲良民矣初總辦秋審七年多所平反廣東台令杖斃奸民其子叩

闔

上怒令罪且不測下刑部發先生審勘核案檢屍只有杖傷非致命處知縣革職外無餘罪辛丑正陽門城樓災九

門提督大學士英公總部務將起火之家擬發烟瘴時
先生承辦以爲事出無心坐杖足矣奏入均蒙

俞允充律例館纂修官著有大清律注條例則例道里表分
輯守廬州有敬事編山居有實園文課士錄生乾隆丁
巳十二月二十五日以癸丑三月二十日卒配朱恭人
子三富業進士富學諸生富霖先生旣卒之十四年子
音營田霸州富業選知湖南臨湘縣事屆成屬作傳乃
成之

曰往者壬子予權提白鹽井先生書來其略曰守廬未
及兩載以遲報教授會試漏咨罷職家居去年十二月
聞

聖駕西巡匍匐赴晉恭迎道左不獲仰邀

天眷匏繫都中進退維谷回憶束髮讀書數十年來以不足
輕重之得失奔走營逐其心事幾不堪對衾影而卒之
爲人爲己迄無所成轉不如耕田識字猶足以給衣食
而教子孫今忽忽老矣倦飛而始知還其知己晚况乎
其尙不知還也七宣其何以教之嗚呼此先生之自道
也可以概先生矣

盛教論傳

張華甫

君姓盛名元績字蒼林號熙堂名宦東民公十世孫也
少聰明通諸子百家爲文力追先進詩有王謝風味邑
先輩多獎勵之年十六應縣試多前列然屢困棘闈嘗
肄業豫章書院與新吳鄒西麓南康謝蘊山金谿王仁
圃等十八人爲文榭共相切劘乾隆乙酉登賢書七應

會試不第而志不少衰恬退自守處闔閭不聞外事遇
有關文獻者輒力任之縣志始修於康熙丙午再修於
乾隆癸酉率多異議書遂廢後二十五年戊戌郡太守
黃檄縣纂修君與邑孝廉楊水園諸公分任楮墨矢公
矢慎計二年而書成而君之方正不阿尤爲一時所帖
服邑

聖廟自乾隆辛巳規模初就至己亥大爲改觀君兩董其事
皆與有力焉丁未君由大挑補授峽江儒學教諭操守
益加嚴飭而課士則井井有條時予守廬州逖聽風聲
懽然慰藉竊嘆士君子讀書敦行不獲大展所爲而猶
賴此冷署閒曹得以完全其初節不可謂不幸也熙堂
無畸行予亦無諛辭其可以信今而傳後也乎

張佳郎傳

中丞譚尙忠

武寧張子佳郎來書自道其名曰翩父諱問達學者所
稱水山先生是也佳郎生而早了甫學語卽自引卷求
讀書王母蕭異之口授果卽成誦八歲竟九經年十三
依父水山講曲池書院先生及院中生特以其幼也居
無何以孺悲欲見孔子章命題課諸生佳郎走筆爲文
數百言語特警異院中生皆推與佳郎未幾又白去爲
詩爲古文辭隆隆欲上於是邑先生長者知佳郎名佳
郎益肆力於學生平心服問榻先生師事之弗敢懈補
博士弟子員旋冠一軍食縣鎮以多病常不與鄉舉所
作有俯江樓重遊者記白髯對諸篇讀之英英皆有古
人之致予因是益知佳郎名去歲戊申四月心輩持粉

素列名帙請曰里同學皆希慕鍾王家者也尤勸以書予書之中佳郎一幅仲冬之某日佳郎謝帖至滇精彩之色可想見其眉間抱氣持志以爲人不以病却而益惓惓以序其父遺稿俯江集見托予愛其才讀其言而閱其情蓋佳郎先之啟事俟予許可而將集聿至也儻呻今夏心輦手閏榻札並佳郎永訣書告予曰嗚呼佳郎以客冬十一月二十七日死矣遺集之未將集序之未成佳郎不得一見而死以慰其心而予終不可一見佳郎豈非天也乎夫人當倉皇急遽時鮮不中亂矧生死須臾間猶從容燕坐如平生咨家人通鄉黨語出文成有如此永訣者蓋是時佳郎彌畱口授諸其兄而假手也予旣哀佳郎之未識面而死而其求序與其爲人又不得自絕而終無以爲吾情序訖傳其大都復郵致一觴奠佳郎曰予雖不敏集序之托予近覽心輦手膽竟不負吾子也佳郎知之否乾隆庚戌八月九日南豐譚尙忠古愚譔

王七宣傳

顏檢

先生姓王諱子音字心輦號七宣江西武寧人父誠甫母氏張少孤承母教出而材於事以仁義爲根柢以果敢爲事功由乾隆丁酉科選貢判州雲南廣西州保題平夔知縣歷任永北廳同知提舉白鹽井兼南寧縣嗣因公被議余爲奏管霸州營田報滿起用直隸知縣補饒陽調隆平前署深州安平獻縣先後膺民社三十餘年政事文章予耳熟目詔久矣余之知七宣也自譚古

愚費文恪兩公相繼撫滇賢其治蹟去而猶形齒頰予
交七宣始滇南深冀北畱主幕府三載喜其文行並懋
德政兼修益信譚費兩公知人之明也七宣視國事如
家事視民事如己事其在永北白井平彝饒陽隆平間
叠興

孔子廟建書院計籌膏火田以興學養士詳免黑白琅三直
隸井府考減值疏銷永北積鹽且清丈順州海田以置
孤貧寒衣諸善政具載各志中吾尤重其在平彝日平
苗變賑難民代力役售墮鹽軍需旁午真有爲人所不
能爲者張閏楊書七宣此舉殆遠有詡佳習之風而近
埒於王謙者矣允哉七宣老成諳練遇事果敢有爲爲
之惟恐不及公餘喜爲詩文著宦拾錄循陔詩文集大
都有關倫常取重於其鄉先生蔣心餘張水山張閏楊
萬文恪與天下名公鉅卿者無異詞雖暮年因公落職
灑然不以介意又時以仁義果敢策勵後嗣爲不可及
也諸子乞傳余誼屬同年不禁歡感交集道光二年蒲
節後一日直隸總督廣東連平顏檢惺甫氏撰
奉

旨賜祭葬入祀昭忠祠贈五品銜世襲雲騎尉故鄉勇李秀
章傳 秦承恩

今上卽位之二年教匪滋事闖入陝境承恩奉

命督師夙夜黽勉仰仗

聖天子之威靈得以殲盪淨盡全境肅清登斯民於衽席載忭
載慰慶何如哉先是賊目姚之富王廷詔竄入平利安

康欲由佐林溝直撲興安府城予帶兵防勦見一鄉勇其人魁梧磊落每出敵必身先行陣奮勇衝殺所至賊輒披靡蓋儕伍中之傑出者予心壯之問其姓名則江西客民李秀章也爰慰勞而識之夜出巡營冰霰嚴寒漏已數下見秀章猶持矛待因呼入帳詰之曰若何夜深尙不歸伍暫息秀章曰嘻斯何時枕戈待旦尙恐有負

君親敢安寢耶况大人以封疆大憲起居尊嚴尙不憚勞瘁與兵民共疾苦櫛風沐雨晝夜靡息某何人斯乃敢貪樂逸哉且某室家子女在是賊已臨境脫有疎虞卽被蹂躪恨不手刃狂寇勦滅無餘安居樂業共享

昇平此某志也抑亦鄉勇之分也其能曉大義如是更爲聞之心折叩其家世則籍隸豫章之豫寧代傳耕讀秀章故少習技擊同兄客於秦辛勤力作積有薄貲隨設肆貿易揭眷屬寄居安康安康之人皆服其誠信值邪匪竄境散其貲集義旅爲鄉勇鄉之少壯皆樂從之秀章慷慨臨陣更能激厲其徒於是秀章名嘖嘖軍營中領軍者皆欲拔爲親兵未幾賊薄佐林溝乘連日陰雨各股併力撲搶堆窩石山梁秀章伏匿山坎偵賊至挺矛直出首斃執旗賊目賊蜂擁圍匝秀章奮身躍上擒馬上一賊同跌下坡身受十餘鎗洞腹出腸猶揪賊不放遂被害時嘉慶二年九月二十九日也嗚呼如秀章者可謂勇於義忠於

君者矣上其事於

朝奉

恩命照五品銜議卹

賜祭葬入祀昭忠祠付史館纂列傳撰

勅書給與騎尉世職襲次完時給與恩騎尉世襲罔替嗚呼

朝廷之報功獎忠可謂厚矣渥矣夫秀章一齊民耳嚮使持
籌作賈居奇積贏當賊竄境時秀章偕其孥席貲而返
鄉井胡不可乃能勇於赴義誓以馬革裹屍殺身成仁
克全其志以視夫老死牖下與草木同朽者奚啻霄壤
且得膺

懋賞傳之子孫繩繩勿替雖

聖朝之卹典特隆而廉頑立懦聞而興起嗚呼如秀章者亦
可以風世矣秀章既歿於

王事遣員存問其家攜其二子來曰龍芳龍英皆翩翩韶
秀足世其職予移撫江右龍芳亦偕其弟旋里請咨襲
職矣予感夫秀章之忠且勇承

君恩之厚且渥敬列次其事俾泐諸家乘以貽子孫以昭勸
忠之典其子若孫凜承

錫命幸毋忘食報之由來其敬共厥職勉世守之勿替撫江
使者秦承恩撰

汪騰雲傳

邑庠張光藻 頴林

公諱騰雲名其江字樹桃坊市人也由行伍拔補南昌
鎮標前營奉新縣汛把總負氣任俠嘗以自鳴忤紳貴
不爲所屈遂以勇敢聞各憲屢膺褒許嘗自顧曰大丈夫

夫昂藏七尺豈徒挽兩石弓取升斗以飫妻孥遂快心
適志乎嘉慶元年楚省匪教以邪術煽惑荆湘雍豫梁
揚近楚者皆戒嚴江西尤屬江漢近地兵餉不時調發
鎮標首領輪派軍佐目視騰雲將以覘其意也騰雲慨
然曰我

朝

聖聖相承海宇肅清士民安享樂利幾二百年不思感戴竟
狂悖跳梁自作不靖此人人可得而誅者吾儕歲糜廩
粟豢養閑身特以報效於一日詎有遲迴耶乃隨總將
毅然就道直抵當陽賊匪延村劫掠進則烏合退則鼠
竄出沒溪源莫可偵揮騰雲屢次銳進多獲輜重首領
益重其能騰雲奮不顧身首衝賊壘伏發遇害當事上

其事以 聞厚加優卹入祀昭忠蔭其嗣子宇鎬承襲

雲騎尉世職

曰士投身戎行不立功邊戍卽馬革裹身乃坐食其祿
臨陣而退避苟免者何如也當陽之役陣亡者江西四
人

朝廷皆優以祀典抑何渥也

翁澁園傳

邑舉人 余韻珊

先生姓翁名顯祖號澁園芟雲其字也幼讀書力學因
兄見背遂輟舉業援例入太學而詩書之念拳拳也流
覽史策以爲古今之是非得失氣能任者勝之故生平
所行輒有關於信義猶子蘭一歲喪父九歲無母公視
如己出使受業名傳卒爲邑名明經有友某早世母老

子幼內外維艱公日存問其母攜其子訓諸塾其母沒
公往治喪具優恤如初栗榔義渡固公父麗聰公所建
也公繼之置產以給舟子舟二年一葺五年一更自乾
隆庚辰迄今行之六十餘年南昌郡學大成坊木坊也
公與盧鐘舫捐重金易之以石他如資豫寧書院膏火
移玉印橋修外泮捐安樂鄉社學田勸建京師試館貢
院號舍資育嬰堂漏澤園其見諸都郡鄉邑者不可勝
計嘉慶戊午義寧州逆匪滋擾兵弁所經絡繹不絕邑
侯王供帳掣肘公特出四百緡以助軍費翁氏族處星
散自公公麗聰公主修家乘後曠闕近百年公率兒子
蘭詳加考核迄有成書公身材玉立美髯如畫賓朋晉
接揮塵清談咸嘆以爲有晉宋人風季君繁赴任湖南

公手錄勤政紀傳官戒銘沅郡大守藍凡石先生詫曰
尊子學問經濟非等流也公初居城市厭其煩囂仍返
下湫故址額其堂曰繼緒不忘先也又建夢葛山房列
書室曰勵軒曰藝園最後置字峰講堂俾子孫肄業其
中以繼公讀書之志迄今諸子若孫聲蜚蠻序爵顯仕
途者彬彬人表焉

曰好義樂施有力者優爲之核之古人亦或以爲近名
也而求近名於鄉曲信義如公者又多乎哉

張少尹傳

邑庠 雷應時 妙村 生

少尹諱璣字表人別曰心衡 誥贈武翼都尉柏村

先生之仙子也少習舉業矩矱先民不務時尚故屢試
不遇居家甚嚴肅事上御下一秉乎禮吉凶必遵古制

落落自在於人鮮合博覽羣書具有卓識取古人可法者彙爲一帙常佩服之嘉慶庚申由太學例授湖北少尹時值~~秘~~匪充斥人多規避大學士書太子少保吳先後~~總~~制兩湖參贊大臣德往來勦撫營駐鄖襄需餉孔急心衡請檄赴襄陽軍需總局或阻之不可湖北省會~~照~~局千里運道萬山崇雜賊憑之以爲出沒因浴訪情形圖而藏之令夫役各持糗糧偵賊所適按圖紆行遇崇山峻嶺攀援上下問厯村鎮皆賊匪焚餘或竟日不得憇所而每運軍需~~不~~數十萬均無差失又委催安陸雲夢應山隨州積逋弋獲沔陽劫盜查防省會監犯辦理鍾祥等縣河堤各工屢駁估銷諸冊皆不匝月而報竣厯署漢川劉家鎮司及襄陽縣尉所舉必

求便民不事迎合 大憲深悉其能特加擢用適聞母

病呈請歸省遂丁內艱平居與兄渾齋同心利濟廣置棺木以卹死亡東渡西渡南渡悉增渡船以利行者石人洞山徑東關外驛亭西關外路燈京城省城試館凡屬義舉不俟勸勉皆慷慨以蕙其事歲庚辰湖北檄催補用而心衡抱病弗起矣閱今數載被流風沾利澤者猶慨慕流連於不置則心衡不媿有爲有守之士也夫

李白邨先生傳

清江楊懋恬 雪騷

李白邨先生名趣堂字子秋武寧安樂鄉松墅人自童而冠而老嶄嶄出羣屢薦而不中僅得恩貢士以終生平最喜爲詩窮苦歡愉一發之于歌咏幾欲與唐賢爭席嘗見賞于先輩盛水濱余賓竹汪魚亭余讓麓稱爲

勁旅其遊石鏡山詩有出寺鐘搖烟際樹隔溪犬吠鏡
中人可謂繪水繪聲詩中有畫著有白郵詩草行世晚
尤好古粵東顏惺甫先生潘江時相引重薦掌文衡極
尊仰之

余上舍傳

陳瑞球

上舍名廷楨字卓林號環溪長樂鄉羅坪人少習舉業
寢食金陳嘗爲比部余薺菴推重援例應鄉舉不遇遂
罷去而詩書之念未忘也與鄉里文人往復衡論其天
資穎異資不能讀者時給資斧贍之於族姪虹韻珊二
孝廉尤加意太僕盧公容菴持官農部倡購試館於京
師之蘆草園走書上舍上舍慨然曰楨雖不能有爲以
觀

國光而吾邑近年彪炳科第者踵相接此舉實爲上春官
者歌得所也遂出重金界二孝廉以去間嘗語其家人
曰人之於世不能躬膺民社亦當裨益鄉鄰昔者楊富
之亂蹂躪所至土木皆災我曾祖仲岳公率鄉勇會官
兵攻禦瓜源長墅兩源藉以安枕我祖德友公授出畷
再飲於鄉先考聯泗公好善樂施楨親見其捐社倉粟
義學金主修縣志所費幾千緡今幸藉先人之遺溫飽
日足經云積善之家必有餘慶累世受澤不可不有以
善其後故於橋梁道路若龍石港鳳口港洞溪港橋靖
公崖長墅源路費千金他如減價平糶以濟凶荒推食
解衣以資窮困迄今上舍往矣受其澤者常稱道不置
云道光癸未承 大憲申諭各屬建育嬰堂書院膏火

上舍嗣君邑庠生琬邑教職振采州同克家其孫署紹興府經歷紹業監生紹先紹箕等聞之慨然曰此先人素志也出千金助之不果遂改歸鄉學焉甲申春予適以事過是邦嗣君等具狀求傳其畧以登志乘予避其請而高其義也故傳之以爲好義者勸

李君坦墓傳

邑令李光珽晉寧

君諱燭字履祥號坦墓山林處士也世居瓜源口爲靖武往來要路初洞口懸崖絕壁路不能通以藤引橋於其上名曰弔橋行人苦之君爲開鑿巉巖而隱其名至今履坦者莫知爲誰之力其潛德幽光類如此南昌府學之建游藝堂也爲武邑盛舉君嘗輸重金以替之家築廓如堂歲延名師以訓子若孫輩督課最嚴生平慷慨

慨好義而於詩書根本之地尤關心一日病革謂其子曰吾邑書院朽壤膏火淡薄難以作養人才吾有志而未之逮也汝曹須將公存遺產修理書院增置膏火以成吾志其遺命津津如此道光四年秋余以委命來蒞茲土入正誼書院謁掌教查雲槎見大門廳事迴廊明道堂煥然鼎新東西兩齋牕闥玲瓏規模宏敞又仰見巡撫程大人匾額曰助興文教爲上舍之春立始知是役也自李氏始其子子山兄弟與姪捐租百十六石以飲膏火而修建書院則四子上舍之春捐金一千四百兩率家男貽錦督理之嗟乎子山與之春兄弟之興是役也皆遵父遺命也可謂能繼志述事者矣余以是役培植士林有功學校而坦墓之潛德幽光亦不可泯沒

武寧縣志 卷三十三 藝文 傳
矣于是乎傳

余理問傳

兵備道費履升錢塘

余公生字鏡蓮號性莖武寧楊港人也幼穎異習舉業以家務棄去授布政司理問早失怙家難蠶起常以危險憂其寡母公兄弟奮起摒擋之伺隙者歛翼公乃獨任旨甘俾弟就塾兄弟多病母常不憚公爲孺子容以怡之油油然樂甚其母以舊廬之湫隘也且與族隣詬誶時聞也頗厭棄之公相東崗之麓薙荒鑿險而堂構之萬瓦鱗然田疇錯闌亞旒疆以環於外家人婦子操于室母氏居之喜可知也無何弟穉臯去世二十且殤公失左右如鳥折翼幾不自存而老母弟妻哀號公乃以季子楫後之張閩榻先生以古學倡修江公主之子

康塾中王大尹心言與公爲姻婭心言遊宦滇南燕趙數十年當代鉅公若譚古愚萬文恪顏惺甫及先文恪公往往以重閩榻心言者重公殷勤報柬且書感遽近園至歸衢堂子康諸堂額而公未嘗一謁貴顯之門也自恨不終儒業益研究醫學邑侯王澹齋劉宦圃許勉齋陳韻石尹吉生贊府傅修園不時引重戚友全活甚多張閩榻已攜其治案於醫詩矣邑中義舉如京都吳鎮公宇靡不多金以助譜楊港二百年之遺甲乙兩書具徵文質晚乃至修宗祠糾散漆產復聯祭會器具修潔輪奐有加公旣歿陳韻石表其墓族衆具文聯登壘以祭併額情深類本四字于祠乾隆乙巳嘉慶壬戌辛未旱荒減價平糶庚辰大旱遠近就食者填門無不懽

感以去厥後甲申旱荒家君相兄弟踵行之家廩已罄復出千金運糴接濟鄉里有誼切維桑之額道光三年邑侯陳秋河纂修邑乘族眾舉公義行相與弟楫出二百餘緡以贍書院又出三百緡以輔志局之費公壻王晚香過訪潯陽權署出公行狀請傳升以先大人之故不敢辭爰紀其實如此

劉慶麟傳

洞口人 劉汝楫 藕航

慶麟姓劉氏名陞生洞口之上村幼好武能馳怒馬挽勁弓以卑鄙羣小蒙鄉君子絕特之稱旣冠隨父英食力於灌城尋充撫標右營馬兵與有技諸健兒角多上人嘉慶元年湖北教匪熾其勢漸次逼西江之疆慶麟奉派出勦戚友皆爲之懼慶麟曰陞營兵也

朝廷豢養之謂何而敢有怯心派不及陞猶必上請於撫軍承乏戎行母爲公辱載拜稽首毅然就道匪教平以功授寧都營把總之任後感微長之見錄也愧重賞之濫膺也技其技而精之教所教而齊之勞而疲之又振而樂之無間晨夕寒暑日懋勃其氣壯八年慶麟年三十四復奉令勦陝賊於是踴躍南行者又從軍而西矣抵陝蹶賊屢有功慶麟亦時或自快平利之役單騎追賊於長岡嶺被圍三周鏖戰自朝至於日昃力竭且飢受數創矣背巖暫憩賊誘之降憤然曰

天朝豈有此卑鄙哉爾縱我執亦當以一死上報

主恩况未必然乎胡乃輕我如是言訖奮身躍馬殺賊數十人潰圍而出還營而死時十月十九日也事聞蒙

優卹入祀昭忠祠給雲騎尉世職噫慶麟家世窮乏未嘗學問
由營卒至騎尉常欲効一日之忠而果急

國家之難以舍其生向之稱爲絕特者有見也夫有見也夫

張渾齋傳

邑廩生 陳昌言 醉竹

先生張姓諱紹璣字曙軒別曰渾齋唐祭酒寧公三十
九世孫代多隱德大父希厚公有孝行見郡邑人物志
先生豐面偉軀幹爲人渾渾噩噩無諸醉醲飽鮮豪侈
習義有所可則赴之嘗先邑人閒居頤養天和沖然以
深望之輒知爲有道者少讀書目數行下爲文驚邑老
宿仁和趙鹿泉先生衡文號有目者得先生作異之大
呼先生前獎借再三一時文名噪甚惜五薦不第久之
乃就廣文職焉吾江饒屬餘干舊俗諸生將訟於縣其

名由學署上久矣先生抵任卽進諸生諭之曰諸生廁
身學校有臥碑在不平胸中化之可也何遽溷吾學中
爲夫母乃將縣庭乎膠庠也而可哉於是餘干士聞而
恍然無輕入公庭者又嘗鐸古虔州虔俗每宴客會館
中聲歌徹夜不散先生念古今風俗之就靡徹胥士大
夫之失教也有敦請者卒堅不赴其重師儒之任如此
當是時大吏數以學篆任先生先生亦以學篆仰副大
吏所至有聲已而先生退居山中某歲郡伯張檄建邑
試院無應者時先生已休於家聞之遽傾萬五千餘金
以葺其事初縣試局士內署間嘗出入几坐晨夜隊隊
然遇大風雨相舁卻走泥濘中益蹶躄無士人狀及是
邑人士大快並題長生位以祝之信如郡伯所額士皆

歡顏者父柏村公病噎先生獨食不忍爲朝夕減膳夜不解帶寢逮故哀毀骨立嘗丁亡父周百歲日先生年已老矣堂上陳設畢甫拜淚潛潛下不止諸兒童輩一時愕然此殆古所謂孺子慕歟故事有力者生辰輒召賓客縱飲累日爲歡先生年躋七十請以酒壽先生弗許先期攜數童子泛舟東下已登滕王閣尋覽江山之好又探百花洲螺墩諸勝時有二三故人相與話舊賦詩共呼爲太平寬閒之老而先生笑而受也平居丐書者盈門日濡毫伸紙塞其請意興潑潑然後生以文就正每晨起張黻黻披覽竟日無倦容無何先生出撰楹帖曰存心自可對人何須蓋棺論定作善惟求在我敢謂沒世名稱命嗣君身後張之時年八十也以壽觥請

又不許嗚呼先生其達人耶抑

國家淳龐之遺叟耶邑中大舉當事屢咨之非公無一往者與人泯戟級雖野夫皆霽顏遇也居常服御清約一闔廬至垂頽然後易而家國繫屬之大邑人溥被之實爲費累萬不慳於出又何赴義之渴耶年八十七卒目睹上下數十年興替事常敘之如一部掌故作人龜鑑旣歿未有不歎老成之我喪者道光戊子先生

誥封武功將軍武功將軍者族姪松園都督分當躬受之封典也都督雄偉有巨力徵時柏村公一見奇之以語先生先生爲曲成之無遺力其後都督竟掇巍科官至粵東總戎嗟乎人方困於無資雖英雄儻亦莫之如何矣其能遽騰風雲上耶此都督之所爲不能嗇其報也然而

都督亦賢矣哉著有不波居制藝四卷邢侍郎傳風水
論蛙神辨諸散體皆可傳有子能世其業並有名

曰公論之不廢於天下久矣歲丙辰辛巳邑兩舉先生
孝廉方正其後周陳二中丞咨人品於邑侯侯長弟以
先生對何上下無異辭也或曰先生饒於財夫財在善
處卽在善用此中有問學焉而先生所爲若此所由樹
品望於賢士大夫間矣

張松園傳

邑人柯

燿原名奉春

道光二十一年辛丑夏六月己亥前潮州總兵張公松
園卒於家其子近光昆季濡血書狀乞文以垂家乘燿
饑驅異鄉未暇也今又益以書辭促之成爰述列如右
公諱大鵬字蔚叢松園其號也世居武邑洞口中村父

毅齋喜公瑰異恒曰是必爲太平福將時公方與兩昆
傭力爲生人多笑之者迨兩昆爲賈稍利益命公肄武
由武生中式嘉慶庚申鄉試壬戌成進士以一甲第二
名官二等侍衛毅齋及見也其歷任楚粵羣醜屏息靖
鷄啼犬吠之警毅齋及料也十五年揀發湖北署撫標
中軍德安營叅將明年補永州游擊駐劄道州八排搖
彝無擾道光元年遷湖南岳州城守營叅將飭屬弁察
洞庭水賊多方嚮之百十爲羣白晝掠者一空四年遷
沅州協副將讐服雲貴界苗蠻一波不興九年入

覲清問下詳歷對所以鎮撫者爲揚

威布德變覆爲培

天顏溫霽獎勵再三陞廣東潮州總兵時潮州阿婆壠等礦

山被白泥湖奸黨淘洗傷平鎮營兵擄把總張維綱公率兵弁返維綱擒邱癸淑等未嘗波及無辜一人亦未嘗勞苦戎行久淹日月十三年因標下守備段正聲庸劣累降四階奉札堵禦臺匪繹騷疾乞休致回籍十四年奉部咨原任廣東潮州鎮總兵張大鵬着以原品休致越七年卒年六十有九公豐頤廣鬚飄飄若神與人惻懇欵洽不惟忘其爲貴官且如訓蒙叟冠楮冠曳皂纒僂僂甚恭而處事尤無善勞伐施之意在潮四年臺匪梗米商道府縣售儲粟療飢胥吏漁利致民百錢不易一飽民環兩署將爲變公抵縣門袖麾首列器械若疾風摧枯叢叢墮地萬人皆廢徐飭平價諭民止潮獄多大猾憤獄吏執法毀圍繫獄吏率罪人擗然鷹飛

獬搏滿公廨上下四旁公聞之往射瓠瓠十餘人墜盡懾入獄伏聽處分而城內外驚竄者三日乃畢還二事均未一宣諸親故也其在道也有千刀會突起滋事奉札出攻其要立擒渠魁曉脅從雲散令士卒銜枚歸營掩門斲茗市人尙夜寐無聞後之論者以芟萌罔蔓高公之功公終淡焉而若忘近聞

國史館檄署兩江總督陸公查公軍功事蹟編冊送館纂輯其詳畧非所敢知而家傳以耳目逮之者傳公則如此

論曰

國家承平二百年矣士生斯時經

鄧治磨礪日益炳蔚公外任二十四年耀光綏靖曾未有元惡大敵使一膺臨事之懼是卽毅齋所謂福也毅齋固

以

隆盛卜之也

